

破傷風 損傷 癰疹
黃疸_{發黃} 霍亂 厥
痺

玉機微義
大

玉機微義卷之四十二 破傷風門

破傷風亦屬
中常

○論破傷風表裏中治法

病機云。破傷風者。同傷寒證。治通於表裏。分別陰陽。有在表。有在裏。有在半表半裏者。在裏宜下。在表宜汗。在表裏之間。宜和解。不可過其治也。故表脉浮而無力者。太陽也。脉長而有力者。陽明也。脉浮而弦小者。少陽也。若明此三法而施治。不中病者鮮矣。原病式云。夫破傷中風之由者。因瘡熱甚鬱結。而榮衛不得宣通。怫熱因之徧體。故多白痂。是時瘡口閉塞。氣難通泄。熱甚則生風也。不已。則表傳于裏。亦猶

觸冒傷寒。怫熱鬱甚。不解則表傳于裏者也。但有風熱微甚。兼化。故殊異矣。大法破傷中風。風熱燥甚。怫鬱在表。而裏氣尚平者。善伸數欠。筋脉拘急。或時惡寒。或筋惕而搖。脉浮數而弦也。宜以辛熱治風之藥。開衝結滯而愈。猶傷寒表熱怫鬱。而以麻黃湯辛熱發散者也。凡用辛熱。開衝風熱結滯。宜以寒藥佐之。則良。免致藥中病。而風熱轉甚也。如治傷寒發熱。用麻黃桂枝。加黃芩石膏知母之類。是也。若世以甘草滑石葱豉寒藥發散甚妙。若表不已。漸傷入裏。裏又未太甚。而脉在肌肉者。宜以退風熱開結滯之寒藥調之。或微加治風辛熱亦得。猶傷寒在半表半裏。而

以小柴胡和解之也。若裏勢以甚。而舌強口噤。項背反張。驚搐惕搦。涎唾稠粘。胃腹滿塞。而或便溺閉結。或時汗出。脉洪數而弦也。然汗出者。由風熱鬱甚于裏。而表熱稍罷。則腠理踈泄。而心火熱甚。故汗出也。法宜除風散結。寒藥下之。後以退風熱開結滯之寒藥調之。而熱退結散。則風自愈矣。凡治此。亦宜按摩導引。及以藥斡開牙關。勿令口噤。使粥藥得下也。

按此論表裏中脉病證治。至爲詳盡。前人所未論也。

○論破傷風所因不同

病機云。破傷風者。有因卒暴傷損。風襲之間。傳播經

絡至使寒熱更作。身體反張。口噤不開。甚者邪氣入
臟。有因諸瘡不瘥。榮衛虛。肌肉不生。瘡眼不合。風邪
亦能外入於瘡。爲破傷風之候。有諸瘡不瘥。舉世皆
言著灸爲上。是謂熱瘡。而不知火熱客毒逐經。諸變
不可勝數。微則發熱。甚則生風而搐。或角弓反張。口
噤目斜。亦有破傷不灸而病此者。曰瘡著白痴。瘡口
閉塞。氣難通泄。故陽熱易爲鬱結。熱甚則生風也。
按此論所目有四。二者曰瘡口入風。似屬外目。一
者曰灸逐熱。似屬不內外目。一者曰瘡口閉塞。內
熱生風。似屬內目也。

謹按破傷風證。古方藥論甚少。豈非以此疾與中

風同論。故不別立條目也。唯河間論與傷寒表裏中三法同治。用藥甚詳。其言病因。有因外傷於風。有因灸及內熱所作者。然與中風相似也。但中風之人。尚可淹延歲月。而破傷風者。犯之多致不救。蓋中風有在經在腑在臟之異。獨入臟者。最難治。破傷風或始而出血過多。或瘡早閉合。瘀血停滯。俱是血受病。血屬陰。五臟之所主。故此風所傷。始雖在表。隨即必傳入臟。故多死也。又此病或瘡口坦露。不避風寒。而無所傷。或瘡口閉合。密避風邪。而反病此。或病已十分安全。而忽有此。大抵皆由內氣虛。而有鬱熱者得之。若內氣壯實。而無鬱熱。

者。雖傷而無所害也。

破傷風治法

○治表之劑

病機羌活防風湯。治邪初在表。

羌活

防風

甘草

川芎

藁本

當歸

白芍藥

各四兩

地榆

細辛

各二兩

右㕮咀。每五錢。水煎。熱服。無時。熱則加大黃黃芩。

各二兩

防風湯。治破傷風。同傷寒表證。未傳入裏。急宜服之。

防風

羌活

獨活

川芎

各等分

治表
治裏
理血
治汗
雜方
治表裏

右咬咀。每五錢。水煎服。宜調蜈蚣散大効。
按已上三方。並三陽經藥也。

蜈蚣散

蜈蚣一對

江鰮三錢

右爲細末。用防風湯調下。如表解不已。覺轉入裏。

常服左龍丸。

即後江鰮丸
四味是也。

蜈蚣散。治裏和至愈可服。

蜈蚣

一對

江鰮五錢

左盤龍

五錢炒烟盡
野鴿糞是也。

右爲細末。每服一錢。清酒調下。治裏至愈可服。但有裏證不可服。次當下之。用蜈蚣散四錢。巴豆霜半錢。燒飯爲丸。如菡豆大。每服一九。加至六七丸。

清酒調蜈蚣散少許送下。宜利為度。

發表雄黃散。裏和至愈可服。

雄黃錢一

防風錢二

草烏錢一

右為細末。每服一字。溫酒調下。

天麻雄黃散。治寒。

天南星

錢三

半夏

天麻

各五錢

雄黃

二錢半

右為細末。每服一錢。溫酒調下。如有涎。加大黃為

下藥。

三因防風散。治風入瘡口。項強牙關緊急欲死。又名

玉真散。

防風

天南星

炮各等分

右爲末。每服三錢。童子小便一大盞煎七分熱服。
香膠散治破傷風口噤直強。

魚膠燒七分
存性

右研細入麝香少許。每服二錢酒調下。不飲米湯下。

一方以蘇木煎湯下。

元戎方治破傷風欲死者。

川烏

南星

半夏

並生

天麻

去蘆各等分

右爲細末。每服一錢。豆淋酒調下。稍溫服。次以酒一二盞投之。

治破傷風方

蝎梢七條爲細末。熱酒調下。

按此以上八方。並厥陰例藥也。

○治半表裏之劑

病機羌活湯。治半在表半在裏。

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

各一兩

薄荷

白芷

各半兩

右咬咀。每服五錢。水煎。入生姜五片。熱服。日二三。

按此三陽經藥也。

地榆防風散。治破傷風。半在表。半在裏。頭微汗。身無

汗不可發汗。宜表裏治之。

地榆

防風

地丁草

馬齒莧各等分

右為細末。每服三錢。溫米湯調服。

○治裏之劑

病機大芎黃湯。治破傷風。臟腑小便赤。自汗不止者。

川芎

羌活

黃芩

大黃

各一兩

右咬咀。每五七錢。水煎溫服。臟腑和為度。

按此三陽經藥也。此自汗非表證。乃裏實也。如陽明病。汗多。急下之。

江鰮丸。治破傷風。驚而發搐。臟腑秘澀。知病在事可裏。

用此下之。

江鰮半兩

野鴿糞半兩

雄黃一錢

白殭蠶半兩

蜈蚣一對

天麻一兩

只用前四味。名左龍丸。

右爲細末。分作三分。將二分燒飯爲丸。桐子大。硃砂爲衣。將一分入巴豆霜一錢。用和亦以燒飯爲丸。如桐子大。不用硃砂爲衣。每服硃砂爲衣二十丸。入巴豆藥一丸。第二服二丸。加至利爲度。再服硃砂爲衣藥。病愈即止。

按此厥陰例藥也。

○治汗之劑

病機白朮防風湯。治服發表藥過。有自汗者。

白朮

黃芪

各一兩

防風

二兩

右咬咀。每服五七錢。水煎溫服。無時。臟腑和而自汗者。可服此藥。若臟腑秘。小便赤白汗者。無寒也。宜速下之。用大芎黃湯。

按此手少陽足陽明太陰太陽經藥也。

白朮湯。治破傷風大汗不止。筋攣搐搦。

白朮

葛根

各一兩

升麻

黃芩

各半兩

芍藥

二兩

甘草

二錢半

右咬咀。每服一錢。水煎溫服。無時。

按此陽明太陰經藥也。

○理血之劑

養血當歸地黃散。治病日久。氣血漸虛。邪氣入胃。養血為度。

當歸

地黃

芍藥

川芎

藁本

防風

白芷

各一兩

細辛

五錢

右咬咀。水煎服。

按此厥陰四物例藥也。

○雜方

如聖散

方見中風門。

方本藥內加兩頭尖。二兩

玉機微義卷之四十一終

謹按損傷似屬傷科
理法若何科不過明
其大略所以此篇不詳

王機微義卷之四十三

損傷門

○叙墮墜爲病

內經云。人有所墮墜。惡血留內。腹中脹滿。不得前後。
先飲利藥。此上傷厥陰之脉。下傷少陰之絡。刺足內
踝下。然骨之前出血。刺足胛上動脉。不已。刺三毛各
一痛。見血立已。左刺右。右刺左。
靈樞云。有所墮墜。惡血留於內。若有所大怒。氣上而
不下。積於脇下。則傷肝。又中風及有所擊打。若醉入
房。汗出。當風則傷脾。又頭痛不可取於膺者。有所擊
墮。惡血。惡血在於內。若內傷痛不已。可側刺。不可遠

取之也。

按發明經云。夫從高墜下。惡血留於內。不分十二經絡。聖人俱作風中肝經。留於脇下。以中風療之。血者皆肝之所主。惡血必歸於肝。不問何經之傷。必留於脇下。蓋肝主血故也。痛甚則必有自汗。但人汗出。皆爲風證。諸痛皆屬於肝木。况敗血凝滯。從其所屬入於肝也。從高墜下。逆其所行之血氣。非肝而何。以破血行經藥治之。

○傷損脈法

內經云。肝脈搏堅而長。色不青。當病墮若搏。因血在脇下。令人嘔逆。